



25 JAN, 2025

UiTM HAKPT sedia kejutkan TNB

Utusan Malaysia, Malaysia



UiTM HA-KPT sedia kejutkan TNB

PETALING JAYA: Skuad hoki UiTM HA-KPT bersedia mencipta kejutan ke atas Tenaga Nasional Berhad (TNB) dalam aksi Liga Hoki Malaysia (LHM) di Stadium Hoki Nasional Bukit Jalil, esok.

Ketua jurulatihnya, Mohd Nor Aqmal Abdul Gaffar berkata, semua pemain sedia maklum dengan kekuatan dan kelebihan yang dimiliki oleh pasukan lawan, namun itu tidak bermakna mereka ter-lalu menghormati TNB.

“S e m u a orang tahu TNB kuat, w a l a u b a g a i m a n a p u n p e - m a i n k a m i

t e t a p akan berusaha untuk memberikan aksi yang terbaik untuk mencipta peluang bagi mendapatkan jaringan.

“Mungkin ada kejutan, sekiranya pemain kami memanfaatkan setiap peluang yang mereka perolehi. Kami perlu kurangkan memberi pukulan sudut penalti kepada lawan serta menyekat mereka daripada melakukan serangan.

“Kita tahu TNB bukan pasukan sebarang dan kami menghormati mereka namun tidaklah keterlaluan. Mungkin mereka akan menyerang kami habis-habisan dan kami akan cuba bertahan,” katanya kepada *Utusan Malaysia* di sini semalam.

Berdasarkan dua aksi terakhir liga, skuad kendalian Nor Aqmal mengekalkan rekod kemenangan berturut-turut apabila mengejutkan Maybank 3-1 pada 15 Januari lalu sebelum membelasah Armed Forces 5-2, Ahad lalu.

UiTM HA-KPT pada musim ini dibarisi lima pemain yang sebelum ini pernah beraksi dalam Piala Remaja Asia 2024 selain menampilkan bakat muda rata-rata berusia 21 tahun ke bawah.